

Poliziak indarrez kanporatu ditu Iruñeko gose grebalariek

Gogor salatu dute Sebastian artzapezkipuaren «konplizitatea»

Polizia ustekabeen sartu zen atzo goizaldera Iruñeko San Lorentzo elizara, eta indarrez kanporatu zituen joan zen larunbatetik presoan Euskal Herriratzearen alde gose greban zeuden ELA, LAB eta EHNEko hamar ordezkariak. Gose grebalariek eta euskal presoan aldeko Herri Ekimenak Fernando Sebastian artzapezpikuari leporatu diote gertatutakoaren erantzukizuna. Agindu judiziala zutela esan arren poliziek ez zieten erakutsi kanporatuei.



Kanporatuek prentsaurrekoan salatu zuten gertatutakoa.

OSCAR MONTERO

Ana Unanue / Iruñea

POLIZIAK, hogeita hamar inguru, enkaputxatuta sartu ziren hamar gose grebalariek zeuden gelara. Goizeko 5:45ak ziren, eta sindikatu abertzaleetako hamar kideak, Jose Mari Otaegi Nafarroako ELAko burua eta Xanti Lorente LABeko koordinatzailea haien artean, lotan zeuden. Poliziek gauza guztiak bildu eta aldegitiko agindu zieten. Gose grebalariei esan zieten epaitegiaren agindua zeukatela lokala husteko, baina Iruñeko Polizi Buruzagitzaeren paper bat baino ez zieten erakutsi. Itxura denez, poliziek Fernando Sebastian artzapezpikuaren baimena zeukaten elizara sartzeko, atea giltzarekin ireki zuten eta, indarkeriarik gabe.

Gose grebalariek beren kabuz atera ziren kalera, haserre eta harrituta, eta gogor salatu zuten Sebastianen jokaera. «Bistan da berak eman diela elizara sartzeko giltza. Penagarria da Elizak modu horretan jokatzea, agintari politikoekin eta poterearekin bat egin da», azaldu zuen Xanti Lorentek. Ondoren artzapezpikuaren egoitzara joan ziren, protesta egitera, baina Sebastianek ez zituen hartu. Gose grebalariek ur botella huts bat utzi zioten artzapezpikuari, salaketa gisa.

ELA, LAB eta EHNEko kideek bazekiten artzapezpikuak ahalegin guztiak egingo zituela San Lorentzotik kanporatzeko, asteazkenean eliza uzteko ultimatumak jaso baitzuten. Gose grebalarietako bi eta Senideetako eta Herri Ekimeneko ordezkariak Jose Luis Zugazti bikarioarekin elkarriketatu ziren orduan, baina ez ziren ados jarri. Bikarioak garbi utzi zien elizatik aldegiten ez bazuten indarrez aterako zituztela, eta hala egin zuten atzo, poliziaren laguntzaz.

«Garbi ikusi dugu Sebastian artzapezpikua sotanaz morroturiko faxista bat besterik ez dela. Eliza betidanik babesik gabekoen gordeleku izan bada ere, Sebastianek nahiago izan du Ansuategi gobernu ordezkariarekin bat egin. Ziur gaude biek elkarrekin prestatu dutela desalojoa. Bage-nekien Gobernuak ez zuela bere legea betetzen eta orain samin handiz ikusi dugu Elizak ere ez duela bere dotrina betetzen», azaldu zuen Herri Ekimenaren izenean Olga Comesek. Herri Ekimeneko ordezkariak txandakako gose grebari eusteko asmoa agertu zuten, nahiz eta oraindik ez dakiten non eta nola. Atzo Iruñeko Peñek hartu behar zuten sindikatuen lekukoa, baina txanda aldaketaren ordezkari batzarra egin zuten goizean gertatutakoaren berri emateko. X

UDA HONETAN



Argi esateko: sarritan dutxa hartuagatik ere ez du bero gutxiago eginen.

Uda garaian ur gehiago darabilgu dutxan, ikuzgailuan, etab.

Baina zuhurki egin dezagun.

Xahutu gabe. Neurri egokian

uda honetan, busti zaitez uraren alde



Mancomunidad
Comarca de Pamplona
Iruñerriko
Mankomunitatea